

Conceyu Abiertu pola Oficialidá

Los partíos, sindicatos, asociaciones y persones que firmamos embaxo declaramos que:

- Asturias vive nuna situación de bilingüismu desequilibráu, na que los derechos llingüísticos de la parte de la población que fala asturianu nun tán llegalmente reconocíos, y esa desigualdá ta na raíz de la minorización social y la pérdiga xeneracional que ta careciendo esta llingua.
- Esta situación inxusta nun pue allargase más tiempu, y pa solucionarla, la nuestra marcación xurídica tien de garantizar la igualdá de derechos civiles a tolos asturianos y asturianes, de manera que n' Asturias sía posible facer vida con total normalidá tanto n'asturianu como en castellanu.
- La llingua asturiana, como elementu central de la cultura d'esti pueblu, ye un padremuñu común de tolos habitantes d' Asturias, cualquiera que sía la so fala materna y con independencia de la ideoloxía, creyencia o militancia que tengan; como tal elementu fundamental de la nuestra identidá común, l'asturianu precisa un nivel de defensa y de promoción mui superior al que tien agora.

En consecuencia, y por too ello, **manifestamos la necesidá inescusable de que la futura reforma del Estatutu d'Autonomía d' Asturias incluya la declaración d'oficialidá de la llingua asturiana**, como única ferramienta llegal que pue garantizar el respetu a los derechos civiles de tolos asturianos y asturianes y la sobrevivencia de la nuestra llingua, y qu'esti mesmu estatus ha tenelu tamién el gallego-asturianu.

Finalmente, axuntámonos nesti *Conceyu Abiertu pola Oficialidá* y comprometémonos públicamente a trabayar en comuña, nel nuestro ámbitu y con toles nuestros fuercies, pola consecución de lo que pa nós ye un oxetivu irrenunciable: la oficialidá de la llingua asturiana.

Uviéu, a de del 2004

Nome de la Entidá/persona firmante:

Persona de contactu:

Teléfono de contactu:

Señes lletróniques: